

Ineqarnermut, Attaveqarnermut Angallanermullu Naalakkersuisoq
Medlem af Naalakkersuisut for Boliger, Infrastruktur og Trafik

Inatsisartunut ilaasortaq

Malik Berthelsen

Illuni ilaqutariinnut ataatsinut inissiai illunilu affarleriinni ineqarnermut akiliutinik qaffaanissaq

23.10.2009
J.nr.

Asasara Malik.

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Aallarniutigalugu apeqqutit saqqummiussatit pillugit qutsaviginiarpakkit, suliaq pillugu nassuiaanissamut periarfissimmannga. Illuni ilaqutariinnut ataatsinut inissiani illunilu affarleriinni ineqarnermut akiliutaasartut appasittorujussuarmik inissisimasmapput, allaammi inissiarsuarni ineqarnermut akiliutinit appasinnerungaatsiarlutik. Ineqarnermut akiliutip appasippallaarnerata kingunerisaanik inissiani iluarsaassinissamut aserfallatsaaliuinissamullu aningaasassarititaasut ikittuararsuusimapput. Ineqarnermut akiliummik iluarsiinermi siunissami oqorsaaqqinnissaq illullu silataani qallitunik taarsersuinissaq, kiisalu teknikkikkut atorulersuutinik nutarterinissaq anguniarlugu aningaasaqarnikkut tunngavissinissarpiaq siunertat pingaarnerit ilagaat.

Namminersorlutik Oqartussat illuutaanni attartortittakkani ineqarnermut akiliut 51%-inik qaffappat, najugaqartut tamarmik ineqarnermut akiliutinik akiliinissamut akissaqarnissaat qulakkeerneqarsinnaanersoq pillugu apeqqutinnut siullermut tunngatillugu ilisimatitsissutigisinnaavara, matumani ineqarnermut akiliutinik qaammammumut kvadratmeterimut 20 koruunerpiamik qaffaanissaq pineqarmat.

Assersuutigalugu illuni ilaqutariinnut ataatsinut inissiani imaluunniit illuni affarleriinni inissiamut 90 kvadratmeterimut ineqarnermut akiliut ullumikkut qaammammumut 3.560 koruuniusinnaavoq. Akiliutissaq ukiortaap kingorna qaammammumut 5.376 koruuninut qaffattussaavoq. Attartortut akissaatikikkunik maleruagassat atuuttut malillugit ineqarnermut tapiiffiqineqarsinnaapput.

Ineqarnermut akiliutip qaffannerata kingunerisaanik illuni ilaqutariinnut ataatsinut inissiani illunilu affarleriinni ineqarnermut akiliutissaq Namminersorlutik Oqartussat inissiarsuaataanni arlalinni ineqarnermut akiliutip annertoqatigilissavaa. Ineqarnermut akiliut qaffakkaluartoq illuni ilaqutariinnut ataatsinut inissiani illunilu affarleriinni ineqarnermut akiliut inissiarsuarni ineqarnermut akiliutinit qaffasinnerpaanit sulii appasinnerusussaavoq.

Aamma illuni ilaqutariinnut ataatsinut inissiani illunilu affarleriinni ineqarnermut akiliutit iluarsiivigineqarneranni, maanna attartortuusut inissiaq attartortittagaq na-

jugartik “attartortumiit piginnittumut” aqqissuussineq malillugu pisiariniarlugu qin-nuteqassanerlutik amerlasuut eqqarsalersinneqartussaapput.

Inissiar-suarni aserorterisarnert pissutigalugit ineqartunut ineqarnermut akiliutit qaffannissaat pinngitsoorniarlugu periarfissanik allanik misissuisoqarsimansoq pillugu apeqquvitit aappaanut tunngatillugu ilisimatitsissutigisinnaavara, pinaveer-saartitsiniarluni suliniutinik arlalinnik suliaqartoqarsimammatt, taakkunungalu kommuni inuusuttunillu sullissisut suleqatigineqarni ilaapput. Kiisalu Nuup illo-qarfiani Qapiarfiusaami inissiar-suarni majuartarfeqarfiit qalipanneqarlutik iluar-saanneqarlutillu paarnaarneqartalernerat misilinneqarpoq.

Tamanna iluatsilluarsimavoq, taamaattumillu avatangiisinik innuttaasunillu sullissi-nerit taamaattut sakkortusineqarput. Ajoqusiisoqarsimatillugu serlersaarisooqarsi-matillugulu tamatumunnga akiligassaq ataasiinnarmit akilernerqartussaavoq, tassa-lu attartortitsinermut peqqussummi § 48 naapertorlugu attartortoq inoqutaaluunniit piaaralutik ajortisaarisimatillugit attartortoq akiliisussaavoq. Pisuusoq nassaarine-qanngippat ineqarfiup tamarmiusup ajoqusikkap iluarsaannissaa akilertussaavaa. Taamaattumik inersimasut maligassiuisussatut pitsaanerumik pissusilersortar-nissaat pingaaruteqarpoq.

Neriuppunga matumuunakkut apeqquvitit akisimassallugit.

Inussiarnersumik inuulluaqqusillunga

Jens B. Frederiksen